

## Primeiru-Ministru Taur Matan Ruak Informa ba Prezidente Repúblika Atu Kompleta nia Estrutura Governamental



### Defende Governu Grande Inkluzan

**Dili, 30 Abril 2020:** S.E. Primeiru-Ministru Taur Matan Ruak, aproveita reuniaun semanal kinta-feira ne'e, informa ona ba Prezidente Repúblika atu kompleta nia estrutura governamental ne'ebé seidauk kompletu besik tinan rua ona, no iha tempu badak sei haruka lista kandidatu membru foun hodi hetan pose hosi Prezidente Repúblika.

***Informa ba S.E. katak Governu hakarak kompleta ninia membrus do Governu i iha tempu badak ha'u sei haruka naran hotu mai S.E seño'r Prezidente da Repúblika para fó pose, tanba ha'u-nia Governu ne'e besik tinan rua lao ho roda tolu de'it entaun ha'u hakarak kompleta tan roda ida***", esplika Xefe Ezekutivu hafoin remata reuniaun semanal ho Prezidente Repúblika.

Liután Xefe Governu esplika, fatin sira ne'ebé mamuk ne'e, sei prienxe hosi membru sira FREETILIN no PD na'in ida. Membru hirak ne'e mak hanesan; Ministru Antigu Kombatentes- Sr. Meta Malik, Ministra Saúde – Sra. Odete Maria de Freitas Belo, Ministru Administrasaun Estatal – Sr. Faustino Cardoso. Ministru Finansas – Sr. Fernando Hanjam, Ministru Turizmu, Komérsiu no Industria – Sr. Manuel Vong, no Vise Ministra Turizmu, Komérsiu no Industria – Sra. Inácia Teixeira.

Hatán kona-ba pozisaun Membru Governu atual hosi Partidu CNRT. Xefe Governu hatán katak, nia defende Governu Inkluzan tanba ne'e sei la iha demisaun ka ezonerasaun ba membru Governu hosi Partidu CNRT, maibé ne'e depende ba membru Governu CNRT rasik, hanesan Xefe Governu kontente atu kontinua serbisu ho sira.

Hatán karik, Membru Governu CNRT sira rezigna na , Xefe Governu ho diplomasia hatán katak, se sira mak husu ha'u la iha dalan seluk, aseita. **HOTU**